



08.Oktober.2017

UKA2017/21

**Kalaallit Nunaanni pinerluttulerinermi inatsisip aamma Kalaallit Nunaanni eqqartuussisarneq pillugu inatsisip (Kinguassiuutitigut pinerluttarnerit il.il.) allanngortinneri pillugit inatsisissatut siunnersuummut missingiummut Namminersorlutik oqartussat isumaqataanissaat pillugu Inatsisartut aalajangiiffigisassaattut siunnersuut**

(Isumaginninnermut, Ilaqutariinnermut, Naligiissitaanermut Inatsisinillu Atuutsitsinnermut Naalakkersuisoq)

Aalajangiiffigisassatut siunnersuut manna pinerluttulerinermut inatsimmi eqqartuussis-oqarnermilu sulineq pillugu inatsimmi kinguassiuutitigut pinerluttarnernut tunngassuteqartoq Naalakkersuisut saqqummiussaannut Partii Naleqqamiit imatut oqaaseqarfigissavarput.

Misissuinerit erseqqissumik takutikkaat kinguassiuutitigut pinerluttarneq Nunatsinni ajornartorsiut annertuujuusoq.

Maluginiakkatta ilagaat, siunnersuutip siunertaasa pingaarnert ilagigaat tassaasut inuup atoqatigiinnermi kiffaanngissusaata namminerlu aalajangiisinnaassusaata illersorneruler-nissaat, aammalu inatsit ullutsinnut naleqquttumik isumaliortaatsimut, inuiaqatigiinnilu nu-taaliaasuni aaqqissuusaanerannut naleqqunnissaat pingaartinneqartoq, aammalu Inatsisissami oqaatsit atorqartut ullutsinnut naleqqussarneqarnerat. aammalu pinngitsaaliilluni ato-qateqarnermut aalajangersakkap atuuffiisa iluarsiffigineqarnerat, Inatsisitigullu atugas-sarititaasut erseqqissarnerat taamaalilluni nalunaarutiginnittarnermut innuttaasunullu ataa-siakkaanut illersuilluarnerunissamut toqqammaviusussamullu.

Kinguassiuutitigut pinerliisoqarsimatillugu inatsisit sinaakkutai suunersut siunnersuutip pingaarnertut ersarinnerulersitseqataaffigissagai, aammalu innuttaasut ataasiakkaat iller-sorneqarnerulissallutik kinguassiuutitigut pinerluttarnernut tunngatillugu suut unioqquti-tsinerusut suullu unioqqutitsinerunngitsut, atonerluisoqarsorisoqarsimatillugu politiinut pi-sortanulluunniit nalunaarutiginnittarneq inatsisitigut paasiuminarnerulerlunilu ajornangin-nerulersinniarneqartoq maluginiakkatta ilagaat.

Partii Naleqqamiillu eqqaasitsissutigijumavarput kinguassiuutitigut atonerluisarnermik ajornartorsiut taamak aannertutigisoq, pinerlineqartut aammalu pinerliisut katsorsarne-qartarnissaat kaammattuutigissavarput, tassunga ajornartorsiummut inuiaqatigiittut qaangii-niarnitsinni.

Eqqartuussisarnermi ataatsimiititaliaq oqarpoq parnaarussat angerlartinneqassasut paarnaarussivissaq naammassippat, parlattuanik Naalakkersuisut oqarput pillaatissinneqarsimasut nammineerlutik aaliangissagaat Qallunaat Nunaanniit utissanerlutik imaluunniit utissanngin-nerlutik, Sorleq atorqeqassava ?

Eqqartuussisarnermi ataatsimiititaliap innersuutaata atorneqarnissaa inassutigaarput taanna tunngavigalugu Inatsisartut aalajangiinikummata aammalu kinguaassiuutitigut pinerlutarnerit pillugit Inatsimmi aalajangersakkat atuuffiisa iluarsiiqqineqarniarneqarnerat tunngaviatigut taperserlutigu.

Taamatut oqaaseqarluta siunnersuut aappasaaniinnginnerani ataatsimiititaliamut susasqaqartumut innersuupparput, ataatsimiititaliallu sulilluarnissaanik kissaallugu.

Qujanaq

Henrik Fleischer